

喉痺
眼目

淋閼
小便不禁附
胞痺附

玉
機
微
義
務

謹按此痺係屬外科
主治以此不論

王機微義卷之二十七

喉痺門

○論喉痺爲火熱所致

原病式曰。喉痺。痺不仁也。俗作閉。由閉塞也。火主腫脹。故熱客上焦。而咽喉腫脹也。王和曰。內經云。一陰一陽結。謂之喉痺。王太僕曰。一陰者。手少陰君火。心主之脈氣也。一陽者。手少陽相火。三焦之脈氣也。二脈並絡於喉。氣熱則內結。結甚則腫脹。腫脹甚則痺。痺甚而不通。則死矣。夫推原十二經。惟足太陽別下項。其餘皆湊于喉嚨。然內經何爲獨言一陰一陽結爲喉痺。蓋君相二火。獨勝則熱

結正絡。故痛且速也。予謂一言可了者。火是也。故十二經中言噬乾噬痛咽腫頤腫舌本強。皆君火爲之也。惟喉痺急速。相火所爲也。夫君火者。猶人火也。相火者。猶龍火也。人火焚木。其勢緩。龍火焚木。其勢速。內經之言喉痺。則咽與舌其兩間耳。然其病同於火。故不分也。後之醫者。各詳其狀。強立八名。曰單乳蛾。雙乳蛾。單閉喉。雙閉喉。子舌脹。木舌脹。纏喉風。走馬喉閉。熱氣上行。故傳於喉之兩傍。近外腫作。以其形似。是謂乳蛾。一爲單。二爲雙也。其比乳蛾差小者。名閉喉。熱結於舌下。復生一小舌子。名曰子舌脹。熱結於舌中。舌爲之腫。名曰木舌脹。木者。強而不柔和也。

熱結於咽喉。腫遠於外。且麻且痒。腫而大者。名曰纏喉風。喉。示發異。者。名曰走馬喉痺。此八種之名。雖詳。而之火。則相去遠矣。其微者。可以鹹與之。而大者。以辛散之。今之醫者。皆有其藥也。如薄荷烏頭。僵蠶。白礬。朴硝。銅碌之類也。至於走馬喉痺。何待此乎。其生死人。反掌之間耳。其最不誤人者。無如砭針出血。血出則病已。易曰。血去惕出。良以此夫。昔予治一婦人。木舌脹。其舌滿口。諸醫不愈。令以銇針小而銳者。砭之。五七度。腫減。三日方平。計所出血。幾至盈斗。又治一男子。纏喉風。腫表裏皆作。藥不能下。余以涼藥灌於鼻中。下十餘行。外以拔毒散傳之。陽起

石燒赤與伏龍肝各等分細末之。以新水掃百遍。三日熱始退。腫始消。又嘗治一貴婦喉痺。蓋龍火也。雖用涼劑而不可使冷服。爲龍火宜以火逐之。人火者烹鉶之火是也。乃使爆於烈日之中。登于高堂之上。令侍婢携火爐坐藥鉶上。使藥常極熱。不至太沸。通口時時呬之百餘次。龍火自散。此法以熱行寒。不爲熱病杆格故也。大抵治喉痺用針出血最爲上策。但人畏針。委曲旁求。瞬息喪命。凡用針而有針瘡者。宜搗生薑一塊。調以熱白湯。時時呬之。則瘡口易合。銅人中亦有灸法。然痛微者可用。病速者恐遲。則殺人。故治喉痺之火。與救火同。不容少待。內經火鬱

發之。發謂發汗。然咽喉中豈能發汗。故出血者。乃發汗之一端也。後之君子。毋執小方。而曰吾藥不動臟腑。又妙於出血。若幸遇小疾。而獲効。不幸遇大病。而死矣。毋遺後悔可也。

○論喉痺爲傷寒所致

龐氏曰。經云。伏氣之病。古方謂之腎傷寒。謂非時有暴寒中人。伏毒氣於少陰經。始衰不病。旬月乃發。脉微弱。法當咽痛。似傷。非喉痺之病。次必下利。

謹按。少陰傷寒一二日。病乃不自太陽傳也。因是經不足。而卒中寒。寒邪抑鬱。內格陽氣。爲熱上行於咽門經會之處。寒熱相搏而痛。或成喉痺。爲醫

不察脉證虛實。即用寒涼之劑攻治。卒致殞沒。而患者自謂其分。嗚呼。冤哉。殊不察少陰病咽痛。及生瘡不能言。聲不出者。藥用甘苦辛溫制其標病。以通咽嗌。至若傷寒伏氣內發。咽痛兼下利清穀。裏寒外熱。面赤脉微弱者。用辛熱之藥。攻其本病。以順陰陽。利止則水升火降。而咽痛自無也。此非雜病一陰一陽結爲喉痺之比。不可妄施針砭。及寒涼之藥。且夫火熱之動。爲病急速。子和論治已詳。然傷寒伏氣爲病。咽痛或腫。本陰寒厥甚。逼熱上行。其喉爲痺。逼熱下行。必便膿血。此標熱而本寒也。仲景自有治例。故子和略之不議。若是則火

熱喉痺腫甚者。急用藥吹點。或刺少商合谷豐隆。湧泉關衝等穴。以解脈絡之結。輕者肉與甘辛涼劑。降火制其標本。亦不可使用苦寒之藥。攻治。倘有內寒格熱為病。吾恐反增其勢矣。

○論喉痺為痰飲所致

詳見痰飲門。

○論喉痺為氣逆所致

詳見氣門。

○論喉閉為風燥所因

陳無擇云。風燥皆使喉痺。咽腫則不能吞。乾則不能嚥。多因飲啖辛熱。或復嘔吐。略傷。致咽系乾枯之所為也。與喉門自別。又有懸門暴腫。閉塞喉嚨。亦如喉閉。但懸壅在上腭。俗謂鶯翁。又謂之鴛聚。俗語聲訛。

不可不備識。

喉痺治法

○吹點藥

濟生二聖散治纏喉風急喉痺

鴨嘴膽礬

二錢半

白殭蠶

炒去絲
半兩

右爲末每用少許以竹管吹入喉中

白礬散治急喉閉

白礬

三錢

巴豆

三箇去殼
作六辨

右將礬於鉢內慢火熬化爲水置巴豆其肉候乾去已豆取礬研爲末每用少許吹入喉中立愈

楊氏一字散治時氣纏喉風漸入咽塞水穀不下牙

關緊急不省人事者

雄黃研

蝎梢

白礬枯

藜蘆

猪牙皂角炙各等分

右為末每用一豆大鼻內啗之立效

三因王鑰匙治風熱喉閉及纏喉風

焰硝一兩半

鵬砂半兩

腦子一字

白僵蠶一錢

右研勻以竹管吹半錢許入喉中立愈或加雄黃

二錢名金鑰匙

○宣劑

三因解毒雄黃丸治纏喉風及喉痺卒然仆倒失音

不出聲或牙關緊急者

雄黃一兩

巴豆去油十箇

鬱金一錢

右研醋糊丸。菉豆大。熱茶清下七丸。吐出頑涎。即甦。省未吐再服。至如死者。亦以物幹開口灌之。下咽無有不活者。吐洩些小不妨。

丹溪方用射干汁和逆流水吐之。又用桐油以鵝翎蘸探吐之。用燈火油脚吐之。

○治熱之劑

局方龍腦雞蘇丸。治上焦熱。咽腫嗌痛。方見熱門。

澹寮牛蒡子散。治風熱上壅。咽喉腫痛。或生乳蛾。

牛蒡子研

玄參

升麻

桔梗

犀角

黃芩

木通

甘草各等分

右咬咀。每半兩。水煎。入生姜二片。

拔萃桔梗湯。治熱腫喉痺。

桔梗

二錢

甘草

連翹

梔子

薄荷

黃芩

各一錢五分

右爲咬咀。入竹葉煎。

百一選方治咽喉腫閉。

山豆根洗淨。新汲水浸少時。

右以一塊入口中含之。嚥下苦汁。未愈再用。

○治火之劑

局方碧雪

涼膈散

方並見火門絳雪見下

御藥院麝香硃砂丸治咽喉腫閉或作瘡或舌根腫

痛者

馬牙硝生用七錢

鉛白霜三錢

鵬砂三兩

龍腦三錢

寒水石燒一斤

麝香二錢

硃砂一兩半

甘草十兩熬膏

右研極細用甘草膏子和丸如桐子大硃砂爲衣每含化一二丸一法減鉛霜麝甘草只五味名絳

雪散

龍麝聚聖丹治心脾客熱毒氣攻衝咽喉腫赤疼痛或成喉痺或結硬不消愈而復發經久不瘥或舌本腫脹滿口生瘡

川芎

一兩

生地黄

犀角屑

羚羊角屑

南瑤珀

南玄參

連翹

各半兩

人參

赤茯苓

馬牙硝

腦子

麝香

各二錢

桔梗

升麻

鉛白霜

研各半兩

硃砂

牛黃

各研二錢

南鵬砂

研一兩

金箔

五十片

右末煉蜜丸每兩作十九金箔為衣以薄荷湯化

下或細嚼或含化之

按已上諸方有輕重之分宜隨證選用

○治風之劑

局方如聖勝金錠子治咽喉急閉腮頰腫痛并單蛾
雙乳蛾結喉重舌木舌並皆治之

硫黃細研

川芎

臈茶

薄荷葉

川烏炮

硝石

生地黄

各等分

右爲末生葱汁搜和爲錠每服先用新汲水灌嗽
次嚼薄荷五七葉却用藥一錠同嚼極爛以井花
水嚥下甚者連進三服并含之即安
本事方利膈湯治脾肺有熱虛煩上壅咽喉瘡腫

薄荷葉

荊芥穗

防風

桔梗

人參

牛蒡子炒

甘草

各等分

右咬咀每半兩食後水煎服

○治寒之劑

仲景半夏湯治傷寒寒熱相搏咽痛或聲不出者

半夏

桂枝

甘草

炙等分

右呖咀每七八錢或半兩水煎放冷細細嚥之
按本論咽中傷生瘡不能言聲不出者少陰證用
苦酒湯或桔梗等方皆可選用

三因蜜附子治腑寒咽閉吞吐不利

大附子

一箇去皮臍切作
大片蜜塗炙令黃

右每含嚥津甘味盡更以附片塗蜜炙用

○治痰之劑

王隱君礞石滾痰丸治痰熱咽嗌腫痛不利

桔梗半夏湯治痰氣不降咽腫欲成喉痺者方並見痰飲門

三因玉粉丸治寒痰壅結咽喉不利語聲不出者

半夏洗五錢 草烏一字 桂一字

右末生薑自然汁浸蒸餅丸如雞頭大每大人二

丸至夜含化多年不愈亦有效針經中說寒氣客

於會厭卒然如啞此藥主之

玉機微義卷之二十七終